

**ՈՒՍՈՒՑՄԱՆ ԾՐԱԳԻՐ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔՆՆՉԱԿԱՆ ԿՈՄԻՏԵԻ ՔՆՆԻՉՆԵՐԻ
ՎԵՐԱՊԱՏՐԱՍՏՄԱՆ**

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն ուսուցման ծրագիրը (այսուհետ՝ Ծրագիր) ներառում է Հայաստանի Հանրապետության քննչական կոմիտեի (այսուհետ՝ Կոմիտե) քննիչների (այսուհետ՝ քննիչներ) 2018թ. վերապատրաստման կրթական չափորոշիչները, ուսուցման ձևը, ժամաքանակը և ժամանակացույցը, ինչպես նաև դասավանդվող առարկայական կուրսերի համառոտ նկարագիրը:

2. Ծրագիրը մշակվել է Կոմիտեի նախագահի 2017 թվականի փետրվարի 27-ի թիվ 29-Լ հրամանի հիման վրա:

3. Ծրագիրը նպատակաուղղված է քննիչների մասնագիտական գիտելիքների և հմտությունների շարունակական կատարելագործմանը քրեական իրավունքի, քրեական դատավարության, քրեական գործերով ՄԻԵԴ իրավական դիրորոշումների, դատական փորձաքննությունների, մինչդատական կալանքի և քննության հարակից հիմնախնդիրների, ապացույցների թույլատրելիության, խոշտանգումների և վատ վերաբերմունքի այլ ձևերի արգելքի, քրեական գործերի քննության ընդհանուր մեթոդաբանության, հանցագործությունների առանձին տեսակների քննության առանձնահատկությունների, առանձին քննչական գործողությունների տակտիկայի և մեթոդիկայի ու այլ ոլորտներում:

4. Ծրագիրն իրականացվում է առկա ուսուցման ձևով: Վերապատրաստման ժամաքանակը ՀՀ քննչական կոմիտեի ղեկավար պաշտոն զբաղեցնող քննիչների¹ համար սահմանվում է 24 ակադեմիական ժամ, այլ քննիչների համար՝ 30 ակադեմիական ժամ: Ղեկավար պաշտոն զբաղեցնող քննիչների վերապատրաստումն իրականացվում է 3 աշխատանքային օրերի ընթացքում: Մյուս քննիչների վերապատրաստումն իրականացվում է 4 աշխատանքային օրերի ընթացքում:

5. Վերապատրաստումն առավելապես իրականացվում է դասավանդման ինտերակտիվ մեթոդներով:

6. Վերապատրաստման ժամանակացույց է սահմանվում 2018 թվականի ապրիլ-նոյեմբեր ամիսները:

II. ԴԱՍԱՎԱՆԴՎՈՂ ԱՌԱՐԿԱՅԱԿԱՆ ԿՈՒՐՍԵՐԻ (ԴԱՍԸՆԹԱՑՆԵՐԻ) ՑԱՆԿ

**1. ՀՀ քննչական կոմիտեի ղեկավար պաշտոն զբաղեցնող քննիչների
վերապատրաստման դասընթացների մոդուլ**

N	Դասիչ	Անվանում	Ժ/ք
1.	I-Q-040-18	ՀՀ քրեական իրավունքի արդի հարցեր	8

¹ ՀՀ քննչական կոմիտեի կենտրոնական մարմնի, գինվորական քննչական գլխավոր վարչության, Երևան քաղաքի քննչական վարչության, մարզային քննչական վարչությունների ստորաբաժանումների վարչությունների և բաժինների պետեր:

2.	I-Q-041-18	ՀՀ քրեական դատավարության արդի հարցեր	8
3.	I-Q-042-18	Քրեական գործերով ՄԻԵԴ իրավական դիրքորոշումների կիրառման արդի հարցեր	8
4.	I-Q-047-18	Ապացույցների թույլատրելիությունը ՀՀ քրեական դատավարությունում՝ Մարդու իրավունքների եվրոպական դատարանի նախադեպային իրավունքի համատեքստում	8
5.	I-Q-048-18	Կյանքի իրավունքին, խոշտանգումների և վատ վերաբերմունքի այլ ձևերի արգելքին առնչվող գործերի քննությունը	8
6.	I-Q-049-18	Խոցելի տուժողների/վկաների և կասկածյալների մասնակցությամբ իրականացվող քննությունը	8
7.	I-Q-050-18	Մինչդատական կալանքը և քննության հարակից հիմնախնդիրները	8
8.	I-Q-051-18	Քրեական գործերի քննության ընդհանուր մեթոդաբանությունը	8
9.	I-G-006-18	Ժամանակի կտրավարում	8
10.	I-G-001-18	Հաղորդակցության և և բանակցության հմտություններ	8

2. ՀՀ քննչական կոմիտեի այլ քննիչների վերապատրաստման դասընթացների մոդուլ

N	Դասիչ	Անվանում	Ժ/ք
11.	I-J-009-18	Փորձագիտական գործունեությունը և դատական փորձաքննությունների ժամանակակից հնարավորությունները	6
12.	I-Q-028-18	Զինվորական ենթակայության կարգի և զինծառայողների կանոնագրքային փոխհարաբերությունների դեմ ուղղված հանցագործությունների քրեաիրավական խնդիրները	6
13.	I-Q-030-18	Կիրեռհանցագործությունների քննության առանձնահատկությունները	4
14.	I-Q-042-18.	Քրեական գործերով ՄԻԵԴ իրավական դիրքորոշումների կիրառման արդի հարցեր	6
15.	I-Q-047-18	Ապացույցների թույլատրելիությունը ՀՀ քրեական դատավարությունում՝ Մարդու իրավունքների եվրոպական դատարանի նախադեպային իրավունքի համատեքստում	6
16.	I-Q-048-18	Կյանքի իրավունքին, խոշտանգումների և վատ վերաբերմունքի այլ ձևերի արգելքին առնչվող գործերի քննություն	6
17.	I-Q-049-18	Խոցելի տուժողների/վկաների և կասկածյալների մասնակցությամբ իրականացվող քննություն	6
18.	I-Q-050-18	Մինչդատական կալանքը և քննության հարակից հիմնախնդիրները	6
19.	I-Q-051-18	Քրեական գործերի քննության ընդհանուր մեթոդաբանությունը	6
20.	I-Q-061-18	Հանցագործության փուլերի որակման հիմնահարցեր	4
21.	I-Q-062-18	Քրեական գործով վարույթը կարճելու մասին որոշմամբ վարույթն ավարտելու հիմնախնդիրներ	4
22.	I-Q-063-18	Քննչական ենթակայության հիմնախնդիրները ՀՀ քրեական դատավարությունում	4
23.	I-Q-064-18	Քրեագիտական վարկած և քննության պլանավորում	4

24.	I-Q-065-18	Դեպքի վայրի զննության տակտիկա	4
25.	I-Q-066-18	Հարցաքննության տակտիկական մեթոդներն ու առանձնահատկությունները	4
26.	I-Q-067-18	Սպանությունների քննության առանձնահատկությունները	4
27.	I-Q-068-18	Բնակարանային գողության քննության մեթոդիկա	4
28.	I-Q-069-18	Թմրամիջոցներ և հոգեմետ նյութեր ձեռք բերելու, պահելու, իրացնելու քննության առանձնահատկությունները	4

III. ԴԱՍԱՎԱՆԴՎՈՂ ԱՌԱՐԿԱՅԱԿԱՆ ԿՈՒՐՍԵՐԻ (ԴԱՍԸՆԹԱՑՆԵՐԻ) ՀԱՄԱՈՏ ՆԿԱՐԱԳԻՐԸ

1. I-Q-040-18. ՀՀ քրեական իրավունքի արդի հարցեր

Դասընթացը պայմանավորված է քրեական իրավունքի ոլորտում իրականացված և ընթացիկ բարեփոխումների, վիճահարույց հարցերի շուրջ ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումների վերաբերյալ գիտելիքներ հաղորդելու, ինչպես նաև դրանք գործնականում կիրառելու կարողություններ ձևավորելու անհրաժեշտությամբ:

Դասընթացը ներառում է՝

- հանցագործության փուլերի որակման հիմնահարցերը,
 - քրեաիրավական ինստիտուտների, այդ թվում՝ պատժողական քաղաքականության զարգացման միտումները և հեռանկարները, քրեական պատասխանատվությունից ազատելու հիմքերն ու դրանց կիրառման առանձնահատկությունները,
 - հանցավոր արարքների ճշգրիտ որակման հիմնահարցերը (մասնավորապես՝ մարդու կյանքի և առողջության, զինվորական ենթակայության կարգի և զինծառայողների կանոնադրային փոխհարաբերությունների, սեռական ազատության և անձեռնմխելիության, այդ թվում՝ ընտանիքի և երեխայի շահերի ուղղված հանցագործությունների, թմրամիջոցների ապօրինի շրջանառության, սեփականաթության դեմ ուղղված և կոռուպցիոն հանցագործությունների, բանկային հարաբերություններում խարդախության ու այլ անձին գույքային վնաս պատճառելու քրեաիրավական բնութագրի և այլն) և դրանց լուծման ոլորտում օրենսդրական և իրավակիրառ փորձը,
 - ՀՀ ստանձնած միջազգային պարտավորությունների բովանդակությունը (այդ թվում՝ Միավորված ազգերի կազմակերպության Մարդու իրավունքների վերաբերյալ հիմնական պայմանագրերը, դրանց կիրառման առանձնահատկությունները, ինչպես նաև «Քաղաքական և քաղաքացիական իրավունքների մասին» միջազգային դաշնագրում ամրագրված իրավունքները և դրանց ներպետական օրենսդրությունում կիրառելիության ու Կամընտիր արձանագրությամբ հասանելի դարձած ընթացակարգերի դրույթները),
 - քրեական նոր օրենսգրքի նախագծի հիմնադրույթները:
- Դասընթացը նախատեսված է քննչական կոմիտեի ղեկավար պաշտոն զբաղեցնող բոլոր քննիչների համար:

2. I-Q-041-18. ՀՀ քրեական դատավարության արդի հարցեր

Դասընթացն անհրաժեշտ է քրեական դատավարության ոլորտում նոր իրավական զարգացումները, վիճահարույց հարցերի շուրջ ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումները մատուցելու, դրանք գործնականում կիրառելու, ինչպես նաև քննչական գործողությունների կատարման կարգի պահպանման կարողությունների կատարելագործման համար:

Դասընթացը ներառում է՝

- ՀՀ քրեական դատավարության մինչդատական վարույթին վերաբերող առանձին հնստիտուտների վերաբերյալ ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումները և դրանց կիրառման հիմնահարցերը,
- քրեական հետապնդումը դադարեցնելու, քրեական գործով վարույթը կարճելու հիմքերը, առանձնահատկությունները և որոշումների բողոքարկումը,
- ՀՀ մասնակցությամբ միջազգային պայմանագրերի կիրառման գործնական հարցերը, այդ թվում՝ Միավորված ազգերի կազմակերպության Մարդու իրավունքների վերաբերյալ հիմնական պայմանագրերի կիրառման առանձնահատկությունները,
- քրեական գործերով իրավական օգնությունը միջազգային պայմանագրերին համապատասխան կամ վերջիններիս բացակայության դեպքում,
- քննչական և դատավարական գործողությունների կատարման ընթացքում ծագող գործնական հիմնահարցերը և նախաքննության ընթացքում քննիչների կողմից թույլ տրվող խախտումները,
- առանձին քննչական գործողությունների կատարման դատավարական և կրիմինալիստիկական առանձնահատկությունները,
- պաշտպանին բացարկ հայտնելու հիմքերը,
- նախաքննության ընթացքում կայացվող որոշումների և քննչական գործողությունների արձանագրությունների կազմման առանձնահատկությունները,
- պետական, նոտարական և բանկային գաղտնիք պարունակող տեղեկություններ ստանալու դատավարական կարգը և այլն,
- ՀՀ քրեական դատավարության ոլորտում նոր օրենսդրությունը:
Դասընթացը նախատեսված է քննչական կոմիտեի ղեկավար պաշտոն զբաղեցնող բոլոր քննիչների համար:

3. I-Q-042-18. Քրեական գործերով ՄԻԵԴ իրավական դիրքորոշումների կիրառման արդի հարցեր

Դասընթացն անհրաժեշտ է ՄԻԵԴ իրավական նոր դիրքորոշումների վերաբերյալ գիտելիքներ հաղորդելու և կարողություններ ձևավորելու համար:

Դասընթացը ներառում է՝

քրեական իրավունքի և դատավարության ոլորտում Եվրոպական կոնվենցիայով և միջազգային այլ պայմանագրերով երաշխավորված իրավունքների (այդ թվում՝ խոսքի ազատության և ազգային անվտանգության ապահովման հիմնախնդիրների, անձի ազատության և անձնական անձեռնմխելիության, մասնավոր կյանքի անձեռնմխելիության, արդար դատաքննության իրավունքների պաշտպանության, անթույլատրելի ապացույցների օգտագործման արգելքի, խոշտանգումների և այլ դաժան վերաբերմունքի արգելքի, ռասիզմի և խտրականության արգելքի) պաշտպանության վերաբերյալ ՄԻԵԴ արդի նախադեպային իրավունքը և ՀՀ նկատմամբ դրա կիրառման հիմնահարցերը:

Դասընթացը մասնավորապես ներառում է վերոհիշյալ հիմնահարցերի վերաբերյալ վերջին տարիների ՄԻԵԴ իրավական դիրքորոշումները և քննչական պրակտիկայում դրանց կիրառման հմտությունները:

Դասընթացը նախատեսված է բոլոր քննիչների համար:

4. I-Q-047-18. Ապացույցների թույլատրելիությունը ՀՀ քրեական դատավարությունում՝ Մարդու իրավունքների եվրոպական դատարանի նախադեպային իրավունքի համատեքստում

Դասընթացն անհրաժեշտ է ապացույցների թույլատրելիության վերաբերյալ ՄԻԵԴ-ի կողմից ձևավորված նախադեպային իրավունքի և ներպետական դատական պրակտիկայի վերաբերյալ գիտելիքներ հաղորդելու և դրանց կիրառման հմտություններ ձևավորելու համար:

Դասընթացը ներառում է՝

- ապացույցների հասկացության և թույլատրելիության բովանդակության, այդ թվում՝ ապացույցների թույլատրելիության, ներպետական և եվրոպական չափանիշների վերաբերյալ ՀՀ վճռաբեկ դատարանի և ՄԻԵԴ դիրքորոշումները,
 - օպերատիվ-հետախուզական միջոցառումների արդյունքների օգագործման մի շարք հարցերի վերաբերյալ ՄԻԵԴ և ՀՀ վճռաբեկ դատարանի դիրքորոշումները,
 - «Հանցագործության սադրանքի» հասկացության և բովանդակության վերաբերյալ՝ ՄԻԵԴ և ՀՀ վճռաբեկ դատարանի իրավական դիրքորոշումները:
- Դասընթացը նախատեսված է բոլոր քննիչների համար:

5. I-Q-048-18. Կյանքի իրավունքին, խոշտանգումների և վատ վերաբերմունքի այլ ձևերի արգելքին առնչվող գործերի քննությունը

Դասընթացն անհրաժեշտ է կյանքի իրավունքին, խոշտանգումների և վատ վերաբերմունքի այլ ձևերի արգելքին առնչվող գործերի քննության վերաբերյալ ՄԻԵԴ-ի նախադեպային իրավունքին և ներպետական դատական պրակտիկային ծանոթացնելու և համապատասխան չափորոշիչների կիրառման հմտություններ ձևավորելու համար:

Դասընթացը ներառում է՝

- կյանքի իրավունքի, խոշտանգումների և վատ վերաբերմունքի այլ ձևերի, ինչպես նաև դրանք պահպանելու ուղղությամբ պետության պոզիտիվ պարտավորության բովանդակության բացահայտումը,
 - նշված բնույթի գործերով քննության առանձնահատկությունները՝ ՄԻԵԴ և ՀՀ վճռաբեկ դատարանի կողմից ձևավորված չափանիշների լույսի ներքո:
- Դասընթացը նախատեսված է բոլոր քննիչների համար:

6. I-Q-049-18. Խոցելի տուժողների/վկաների և կասկածյալների մասնակցությամբ իրականացվող քննությունը

Դասընթացն անհրաժեշտ է խոցելի տուժողների, վկաների և կասկածյալների մասնակցությամբ իրականացվող քննության առանձնահատկությունների և այդ հարցերի կապակցությամբ ՄԻԵԴ իրավական դիրքորոշումների վերաբերյալ գիտելիքներ հաղորդելու և դրանց կիրառման հմտություններ ձևավորելու համար:

Դասընթացը ներառում է՝

- խոցելի խմբերի վերհանման չափանիշները,
 - խոցելի անձանց մասնակցությամբ իրականացվող քննության առանձնահատկությունները,
 - խոցելի անձանց նկատմամբ պաշտպանության միջոցների կիրառման առանձնահատկությունները:
- Դասընթացը նախատեսված է բոլոր քննիչների համար:

7. I-Q-050-18. Մինչդատական կալանքը և քննության հարակից հիմնախնդիրները

Դասընթացն անհրաժեշտ է մինչդատական վարույթում կասկածյալի և մեղադրյալի ազատության և անձնական անձեռնմխելիության իրավունքի սահմանափակման կապակցությամբ ՄԻԵԴ իրավական դիրքորոշումների վերաբերյալ գիտելիքներ հաղորդելու և դրանց կիրառման հմտություններ ձևավորելու համար:

Դասընթացը ներառում է՝

- ՄԻԵԿ 5-րդ հոդվածով երաշխավորված անձնական ազատության և անձեռնմխելիության իրավունքի բովանդակությունը,
- անձնական ազատության և անձեռնմխելիության իրավունքի սահմանափակման հիմքերը,

- անձնական ազատության և անձեռնմխելիության իրավունքի սահմանափակման դեպքում կասկածյալի, մեղադրյալի կամ դատավարության այլ մասնակցի իրավունքների ապահովման եղանակները:

Դասընթացը նախատեսված է բոլոր քննիչների համար:

8. I-Q-051-18. Քրեական գործերի քննության ընդհանուր մեթոդաբանությունը

Դասընթացն անհրաժեշտ է քրեական գործերի քննության մեթոդաբանության առանձին հարցերի կապակցությամբ ՄԻԵԴ իրավական դիրքորոշումների վերաբերյալ գիտելիքներ հաղորդելու և դրանց կիրառման հմտություններ ձևավորելու համար:

Դասընթացը ներառում է՝

- ՄԻԵԿ հիմնարար սկզբունքները, որոնք ազդում են քրեական գործով քննության մեթոդաբանության վրա,

- քննության վարույթի մասնակիցների մասնավոր և ընտանեկան կյանքի նկատմամբ հարգանքի բովանդակությունը,

- քննության ընթացքում կասկածյալի և մեղադրյալի արդար դատաքննության, անձնական ազատության իրավունքների ապահովման եղանակները և այլն:

Դասընթացը նախատեսված է բոլոր քննիչների համար:

9. I-G-006-18. Ժամանակի կառավարում

Դասընթացն անհրաժեշտ է ժամանակի արդյունավետ պլանավորման, կառավարման, ինչպես նաև անձնական և մասնագիտական կազմակերպվածության մակարդակի բարձրացման մասին գիտելիքների և կարողությունների ձևավորման համար:

Դասընթացը ներառում է ժամանակի և նրա նշանակության մասին հասկացությունը, ժամանակը՝ որպես անձի էներգետիկ պոտենցիալ, ժամանակի տեսակները, ժամանակի ընկալման տեսակները, գործունեության կառուցվածքը և դրա ժամանակային բնութագրիչները, մարդը և ժամանակը ճգնաժամային իրավիճակներում, մասնագետի ժամանակային իրազեկություն, ժամանակի հիմնական «թակարդները», ժամանակի կորստի և ժամանակային նախապատվությունների վերլուծություն, ժամանակաճշտում, ժամանակի կառավարման սկզբունքներն ու ռազմավարությունները, գլոբալ նպատակների որոշումը, երկարաժամկետ և միջնաժամկետ ծրագրերը, կարճաժամկետ և օպերատիվ պլանները, նախապատվությունների որոշումը ABC վերլուծության միջոցով, էյզենհաուերի սկզբունքը:

Դասընթացը նախատեսված է քննչական կոմիտեի ղեկավար պաշտոն զբաղեցնող բոլոր քննիչների համար:

10. I-G-001-18. Հաղորդակցության և բանակցության հմտություններ

Դասընթացն անհրաժեշտ է հաղորդակցությունների և բանակցությունների վերաբերյալ գիտելիքների կատարելագործման համար՝ պաշտոնական գործառույթների իրականացման ընթացքում կառուցողական փոխհարաբերությունների ձևավորման և հնարավոր ռիսկերի կանխման նպատակով:

Դասընթացի ներառում է հաղորդակցման գործընթացը, կառուցվածքը և կանոնները, հիմնական արգելքները և դրանց հաղթահարման միջոցները, հակամանիպուլյացիոն հնարքները, բանակցությունների հիմնական տեսակները, մոտեցումները, արդյունավետ բանակցային գործընթացի կառուցման եղանակները, արդյունավետ փաստարկների կառուցման կանոնները:

Դասընթացը նախատեսված է քննչական կոմիտեի ղեկավար պաշտոն զբաղեցնող բոլոր քննիչների համար:

11. I-J-009-18. Փորձագիտական գործունեությունը և դատական փորձաքննությունների ժամանակակից հնարավորությունները

Դասընթացը պայմանավորված է փորձագիտական գործունեության և փորձաքննությունների վերաբերյալ գիտելիքների ծավալի ընդլայնման, համարժեք և արդյունավետ փորձաքննությունների նշանակման կարողությունների ձևավորման անհրաժեշտությամբ:

Դասընթացը ներառում է դատական փորձաքննության տեսական-իրավական հիմնախնդիրները, փորձագիտական գործունեությունը և դրա առանձնահատկությունները, քրեական վարույթում փորձաքննությունների (դատական հետքաբանություն, պայթյունատեխնիկական, դատաբժշկական, դատահոգեբանական, դատահոգեբուժական, նյութագիտական, դատաձեռագրաբանական, դատաձգաբանական, դատահամակարգչատեխնիկական և այլ) ժամանակակից հնարավորությունները, դրանց նշանակման հիմքերի, կարգի, բովանդակության, փորձաքննությունների կատարման և արդյունքների գնահատման վերաբերյալ հիմնահարցերը:

Դասընթացը նախատեսված է բոլոր քննիչների համար, բացառությամբ ղեկավար պաշտոն զբաղեցնող քննիչների:

12. I-Q-028-18. Չինվորական ենթակայության կարգի և զինծառայողների կանոնագրքային փոխհարաբերությունների դեմ ուղղված հանցագործությունների քրեաիրավական խնդիրները

Դասընթացն անհրաժեշտ է զինվորական հանցագործությունների վերաբերյալ գործերով քրեական օրենքի ճիշտ կիրառման, ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումների վերաբերյալ գիտելիքները և հմտությունները կատարելագործելու համար:

Դասընթացը ներառում է զինվորական հանցագործություններ նախատեսող հանցակազմերի մանրամասն ներկայացումը՝ ՀՀ գործող քրեական օրենսգրքի և ՀՀ քրեական նոր օրենսգրքի նախագծի համաձայն, զինվորական կարգապահության խախտումների և զինվորական հանցագործությունների տարանջատման հարցերը, մասնավորապես՝ նույն արարքի համար կրկին պատասխանատվության չենթարկվելու սկզբունքի տեսանկյունից, զինվորական հանցագործությունների ընդհանուր և որակյալ հանցակազմերի որակման առանձնահատկությունները:

Դասընթացը նախատեսված է բոլոր քննիչների համար, բացառությամբ ղեկավար պաշտոն զբաղեցնող քննիչների:

13. I-Q-030-18. Կիբեռհանցագործությունների քննության առանձնահատկությունները

Դասընթացն անհրաժեշտ է համակարգչային տեղեկատվության անվտանգության դեմ ուղղված հանցագործությունների, դրանց քննության մեթոդաբանության առանձին հարցերի կապակցությամբ գիտելիքներ հաղորդելու և դրանց կիրառման հմտություններ ձևավորելու համար:

Դասընթացը ներառում է «Կիբեռհանցագործությունների մասին» ԵԽ Կոնվենցիայով նախատեսված քրեական հանցագործությունների վերաբերյալ նորմերի իմպլեմենտացիայի խնդիրները ՀՀ քրեական օրենսգրքում, Կոնվենցիայի հիման վրա ստեղծված կոմիտեի (T-CY)՝ արարքների որակման հետ կապված բանաձևերը, ՀՀ քրեական օրենսգրքով նախատեսված արարքների որակման հիմնախնդիրները, էլեկտրոնային ապացույցների հետ աշխատելու քրեադատավարական առանձնահատկությունները, մանկական պոռնոգրական նյութերի հետ կապված քրեական գործերով ապացույցների ձեռքբերման հնարավոր տարբերակները, «տոր» կամ «մութ» ցանցերից ապացույցներ ձեռքբերելու

դժվարությունները, նման հանցագործությունների լատենտայնությունը, կիրքերի հանցագործություններով միջազգային փոխօգնության հիմնախնդիրները:

Դասընթացը նախատեսված է բոլոր քննիչների համար, բացառությամբ ղեկավար պաշտոն զբաղեցնող քննիչների:

14. I-Q-042-18. Քրեական գործերով ՄԻԵԴ իրավական դիրքորոշումների կիրառման արդի հարցեր

Առարկայական կուրսի համառոտ նկարագիրը տե՛ս 3-րդ կետի ներքո:

15. I-Q-047-18. Ապացույցների թույլատրելիությունը ՀՀ քրեական դատավարությունում՝ Մարդու իրավունքների եվրոպական դատարանի նախադեպային իրավունքի համատեքստում

Առարկայական կուրսի համառոտ նկարագիրը տե՛ս 4-րդ կետի ներքո:

16. I-Q-048-18. Կյանքի իրավունքին, խոշտանգումների և վատ վերաբերմունքի այլ ձևերի արգելքին առնչվող գործերի քննությունը

Առարկայական կուրսի համառոտ նկարագիրը տե՛ս 5-րդ կետի ներքո:

17. I-Q-049-18. Խոցելի տուժողների/վկաների և կասկածյալների մասնակցությամբ իրականացվող քննությունը

Առարկայական կուրսի համառոտ նկարագիրը տե՛ս 6-րդ կետի ներքո:

18. I-Q-050-18. Մինչդատական կալանքը և քննության հարակից հիմնախնդիրները

Առարկայական կուրսի համառոտ նկարագիրը տե՛ս 7-րդ կետի ներքո:

19. I-Q-051-18. Քրեական գործերի քննության ընդհանուր մեթոդաբանությունը

Առարկայական կուրսի համառոտ նկարագիրը տե՛ս 8-րդ կետի ներքո:

20. I-Q-061-18. Հանցագործության փուլերի որակման հիմնահարցերը

Դասընթացը պայմանավորված է հանցագործության զարգացման փուլերի՝ նախապատրաստության, հանցափորձի և ավարտված հանցագործության փուլերում արարքի ճիշտ որակման, պատասխանատվության անհատականացման հարցերում առկա խնդիրների լուսաբանման, վիճահարույց հարցերի շուրջ ՀՀ իրավակիրառ պրակտիկայի վերաբերյալ գիտելիքներ հաղորդելու, ինչպես նաև դրանք գործնականում կիրառելու կարողություններ ձևավորելու անհրաժեշտությամբ:

Դասընթացը ներառում է հանցագործության նախապատրաստության, հանցափորձի և ավարտված հանցագործության որակման հետ կապված հարցերը, հանցագործությունից կամովին հրաժարվելու գործնական հիմնահարցերը:

Դասընթացը նախատեսված է բոլոր քննիչների համար, բացառությամբ ղեկավար պաշտոն զբաղեցնող քննիչների:

21. I-Q-062-18. Քրեական գործով վարույթը կարճելու մասին որոշմամբ վարույթն ավարտելու հիմնախնդիրները

Դասընթացն անհրաժեշտ է քրեական գործով վարույթի կարճման և քրեական հետապնդումը դադարեցնելու գործընթացում հանդիպող վիճահարույց հարցերի շուրջ ՀՀ իրավակիրառ պրակտիկայում առկա լուծումները մատուցելու, դրանք գործնականում

կիրառելու, ինչպես նաև քննչական գործողությունների կատարման կարգի պահպանման կարողությունների կատարելագործման համար:

Դասընթացը ներառում է գործով վարույթի կարճման և քրեական հետապնդումը դադարեցնելու կարգը ՀՀ քրեական դատավարության գործող և նոր օրենսդրության համատեքստում, պրակտիկայում հրանդիպող խնդիրներն ու դրանց լուծման ուղիները, ՀՀ վճռաբեկ ֆատարանի իրավական դիրքորոշումները:

Դասընթացը նախատեսված է բոլոր քննիչների համար, բացառությամբ ղեկավար պաշտոն զբաղեցնող քննիչների:

22. I-Q-063-18. Քննչական ենթակայության հիմնախնդիրները ՀՀ քրեական դատավարությունում

Դասընթացն անհրաժեշտ է քննչական ենթակայության կանոններում առկա վիճահարույց հարցերի, գործն ըստ քննչական ենթակայության ուղարկելու գործընթացում հանդիպող խնդիրների շուրջ գիտելիքներ կատարելագործման համար:

Դասընթացը ներառում է նախաքննություն իրականացնող տարբեր կառույցների կողմից ըստ քննչական ենթակայության կանոնների նախաքննության կատարումը, գործնականում հանդիպող խնդիրները, դատախազի մասնակցությունը քննչական ենթակայության որոշման հարցում:

Դասընթացը նախատեսված է բոլոր քննիչների համար, բացառությամբ ղեկավար պաշտոն զբաղեցնող քննիչների:

23. I-Q-064-18. Քրեագիտական վարկած և քննության պլանավորում

Դասընթացը պայմանավորված է քրեագիտական վարկածների առաջ քաշման և քննության կազմակերպման մեթոդի, քննության կազմակերպման հիմքի, քննության պլանավորման փուլերի հաջորդականության վերաբերյալ գործնական հմտություններ հաղորդելու անհրաժեշտությամբ:

Դասընթացը ներառում է քրեագիտական վարկածի հիման վրա քննության պլանավորման անհատականության, որոշակիության, ճկունության և իրատեսականության սկզբունքների հիման վրա քննության պլանավորման վերաբերյալ գործնական հմտություններ, քննության պլանավորումը միանձնյա քննիչի և քննչական խմբի գործողությունների համատեքստում, քննության պլանավորման աշխատանքների կազմակերպման միասնականության վերաբերյալ քննչական կոմիտեի հաստատած ուղեցույցի ուսումնասիրում (քննչական կոմիտեի նախագահի 12.03.2015թ. հրաման):

Դասընթացը նախատեսված է բոլոր քննիչների համար, բացառությամբ ղեկավար պաշտոն զբաղեցնող քննիչների:

24. I-Q-065-18. Դեպքի վայրի զննության տակտիկա

Դասընթացը պայմանավորված է դեպքի վայրի զննության տակտիկայի և մեթոդիկայի վերաբերյալ գիտելիքներ հաղորդելու և դրանք պատշաճ կենսագործելու կարողություններ ձևավորելու անհրաժեշտությամբ:

Դասընթացը ներառում է դեպքի վայրի զննության տակտիկական առանձնահատկություններն ու մեթոդները, դեպքի վայրի զննությամբ ձեռք բերված ապացույցների ամրագրման տեխնիկա-քրեագիտական մեթոդները և ձևերը, ինչպես նաև դեպքի վայրի զննության տակտիկային վերաբերող այլ հարցեր:

Դասընթացը նախատեսված է բոլոր քննիչների համար, բացառությամբ ղեկավար պաշտոն զբաղեցնող քննիչների:

25. I-Q-066-18. Հարցաքննության տակտիկական մեթոդներն ու առանձնահատկությունները

Դասընթացն անհրաժեշտ է քրեական դատավարության առանձին սուբյեկտների՝ կասկածյալի, մեղադրյալի, տուժողի, վկայի, անչափահասի հարցաքննության տակտիկական հնարքների և մեթոդների վերաբերյալ նոր հմտություններ մատուցելու, դրանք գործնականում կիրառելու, ինչպես նաև քննչական գործողությունների կատարման կարգի պահպանման կարողությունների կատարելագործման համար:

Դասընթացը ներառում է դատավարության առանձին մասնակիցների հարցաքննության առանձնահատկությունները, տակտիկական հնարքներն ու մեթոդները:

Դասընթացը նախատեսված է բոլոր քննիչների համար, բացառությամբ ղեկավար պաշտոն զբաղեցնող քննիչների:

26. I-Q-067-18.Սպանությունների քննության առանձնահատկությունները

Դասընթացը պայմանավորված է սպանությունների քննության սկզբնական և հետագա փուլերում կատարվող գործողությունների, պատվիրված սպանությունների քննության կազմակերպման և դրանց բացահայտման գործընթացում իրավակիրառ պրակտիկայում հանդիպող վիճահարույց հարցերի շուրջ պարզաբանումների, ՀՀ վճռաբեկ դատարանի իրավական դիրքորոշումների վերաբերյալ գիտելիքներ հաղորդելու, ինչպես նաև դրանք գործնականում կիրառելու կարողություններ ձևավորելու անհրաժեշտությամբ:

Դասընթացը ներառում է քննության սկզբնական փուլի առանձնահատկությունները, դիակ կամ առանձին օրգաններ հայտնաբերելիս կատարվող հիմնական գործողությունները, սպանությունների քննության առանձնահատկությունները դիակի բացակայության պայմաններում, պատվիրված սպանությունների մեխանիզմի առանձնահատկությունները, ինչպես նաև սպանությունների քննության առանձնահատկություններին վերաբերող այլ հարցեր:

Դասընթացը նախատեսված է բոլոր քննիչների համար, բացառությամբ ղեկավար պաշտոն զբաղեցնող քննիչների:

27. I-Q-068-18.Բնակարանային գողության քննության մեթոդիկա

Դասընթացը պայմանավորված է բնակարանային գողությունների քննության կրիմինալիստիկական տակտիկայի և մեթոդիկայի վերաբերյալ գիտելիքներ հաղորդելու և դրանք պատշաճ կենսագործելու կարողություններ ձևավորելու անհրաժեշտությամբ:

Դասընթացը ներառում է բնակարանային գողությունների քննության ընդհանուր մեթոդաբանությունը, պարզաբանման ենթակա հանգամանքները, քննության սկզբնական և հետագա փուլերի առանձնահատկությունները, տվյալ հանցագործության մեխանիզմի հասկացությունը, քրեագիտական դիագնոստիկական, ինչպես նաև հանցագործության տվյալ տեսակի քննության մեթոդիկային վերաբերող այլ հարցեր:

Դասընթացը նախատեսված է բոլոր քննիչների համար, բացառությամբ ղեկավար պաշտոն զբաղեցնող քննիչների:

I-Q-069-18.Թմրամիջոցներ և հոգեմետ նյութեր ձեռք բերելու, պահելու, իրացնելու քննության առանձնահատկությունները

Դասընթացը պայմանավորված է թմրանյութերի ապօրինի շրջանառության վերաբերյալ քրեական գործերով քննության ընթացքում առկա խնդիրների, քննության սկզբնական և հետագա փուլերում կատարվող գործողությունների գործընթացում իրավակիրառ պրակտիկայում հանդիպող վիճահարույց հարցերի վերաբերյալ գիտելիքներ հաղորդելու, ինչպես նաև դրանք գործնականում կիրառելու կարողություններ ձևավորելու անհրաժեշտությամբ:

Դասընթացը ներառում է քննության սկզբնական և հետագա փուլերում կատարվող գործողությունների առանձնահատկությունները, թմրանյութ կամ թմրանյութի իմիտացիա ստեղծող նյութերի «Հսկիչ գնում» իրականացնելիս կատարվող հիմնական գործողությունները, ինչպես նաև հանցագործությունների տվյալ տեսակի քննությանը վերաբերող այլ հարցեր

Դասընթացը նախատեսված է բոլոր քննիչների համար, բացառությամբ ղեկավար պաշտոն զբաղեցնող քննիչների: